

eKAB-Nr.:00.056.414

Stelle: Gemeinde Albula/Alvra

Rubrik: Gemeindeanzeigen / Orts- und Quartierplanung

Veröffentlicht: 26.03.2021

Vischnanca dad Albula/Alvra – Examinaziun cumpletta da las zonas da privel en il plan da zonas Prolungaziun da las zonas da planisaziun

Actualmain è en vigur en la vischnanca dad Albula/Alvra en connex cun il perimeter da bovas e crudadas Brienz/Brinzauls las suandantas zonas da planisaziun:

- a. zona da planisaziun per il vitg da Brienz/Brinzauls (excl. Vazarouls) decretada ils 18 d'avrigl 2017 da la suprastanza communal e prolungada cun la publicaziun dals 26 da mars 2019.
- b. zona da planisaziun per Brienz/Brinzauls (excl. zonas da construcziun en il vitg) sco era parts da Vazarouls, Casti e Surava decretada ils 7 d'avrigl 2020 da la suprastanza communal e publicada ils 24 d'avrigl 2020.
- c. zona da planisaziun per parts da Vazarouls, Casti e Surava (extensium) decretada ils 19 da schaner 2021 da la suprastanza communal e publicada ils 5 da favrer 2021.

A basa da l'art. 21 da la Lescha davart la planisaziun dal territori per il chantun Grischun (LPTGR) ha la suprastanza communal decidì ils 19 da schaner ed ils 2 da mars 2021 da prolungar las zonas da planisaziun a) e b) fin ils 24 d'avrigl 2022. Cun la disposiziun dals 16 da mars 2021 ha il Departament d'economia publica e fatgs socials dal Grischun approvà la prolungaziun da las zonas da planisaziun.

Intent da la zona da planisaziun:

- examinaziun cumpletta da las zonas da privel en il plan da zonas entaifer il perimeter da bovas e crudadas da Brienz/Brinzauls

La cunfinaziun precisa dals territoris pertutgads da la zona da planisaziun è determinada en il plan d'aggiunta 1:5'000 ch'ins po consultar tar la chanzlia communal a Casti e sin la pagina-web da la vischnanca dad Albula/Alvra (www.albula-alvra/Aktuelles).



Il termin per las zonas da planisaziun duain vegnir prolungads, perquai che la cumissiun da privels sto anc determinar definitivamain il privel per il perimeter da donns potenzial, e quai cun agid d'ina charta da privels resp. in plan da las zonas da privel, e spetgar sin ils resultats davart l'effect d'ina gallaria da drenascha.

Durant che la zona da planisaziun è en vigur dastgan vegnir approvads sulettamain projects da construcziun che na cuntradin betg a las mesiras planisadas. Sunter che la regenza dal chantun Grischun ha approvà ils meds da planisaziun revedids, vegn la zona da planisaziun puspè annullada.

Cunter questa decisiun po vegnir recurri entaifer 30 dis dapi la publicaziun tar la regenza dal chantun Grischun.

Gemeinde Albula/Alvra